

ANGEOLOGY

(Vantil chungchanga thu kithuhilna)

Paominlen Kipgen (PK), M.Th

1. VANTIL HOHI ANA'UM MONG UVE.

Vantil hohi anaum monguve ti Bible'a akimun ahi. Vantil kiti thucheng hi thulhun lui'ah 108 vei akimun, thulhun thah'a 165 vei akimun, agommin 273 vei akimui. Ps. 68:17 'ah "Pathen kangtalai chu sangsomni, vantil asang asangho ahin, Pakai chu muntheng Sinai'a tobang chun alah uva aume" (KJV); Ps. 104:4 ah "Avantilho lhagaoho sempa, alhachate jong meikong asosahjipa" (KJV) ati.

2. VANTIL HO HUNGKISEM PATNA

Vantil hohi akisem pettah'u le akisem dolu Bible'in aseiloutoh abah vangin Pathen thilsem mong chu ahiuve ti akihen ahi (Ps. 148:2; Col. 1:16). Ajeh chu thilsem jouse hi Pathen sem hilouva ama chamtah'a hung moh umdoh aumpon ahi (Jn. 1:3; Col. 1:16).

Vantilho kisémpat hi ngaidan china aume. Khatna kimkhat'in, Gen. 1:1-2 na'a pansan vantil hohi Pathen'in athilsem lai'a chu athilsem holah'a chu anasem tha hitante ti atahsanui. Nina loikhat kitchun Job. 38:6-7; Ps. 148:1-8; Col. 1:16 na'a pansan, Vanle leiset kisémpat masangpeh'a chu ana kisémpat hitante ti atahsanui. Hinlah adihtah'a seidin Pathen'in vantil hohi athilsem lai'a chu athilsem holah'a anasemtha hitante tihitahsan umpeh tah ahi. Ahin vantil hohi mihem asem banga asem vang ahipon, athu'a kona umhen ati'a konna hung umdoh jengho chu hidingin tahsan aumin ahi (Ps. 148:2-5; Heb. 1:6-7).

Vantil hohi itih phatdon tahle hoilai muntah'a chu asem ahidem vang akisei theipoi. Ahin vantil hohin Pathen thilsemho chu amu phatnun akipapi l'eh uvin, Pathen ana thangvah ana thangvah'un ahi (Job. 38:6-7).

3. VANTIL KITI MIN HILCHETNA

Vantil kiti minhi Greek paova 'Angelos' akitin, hichu "thupo" ahilouleh "Sottol" tina ahi (Lk. 2:10). Mihemho koma Pathen'in athu pole dingleh athu lhutle dinga palai dinga anaman chah jing ahi.

4. VANTIL HOHI CHILE NAM DANNIN AKISEI POUVIN AHI.

Bible'a vantil hohi chile nam danin akisei pouvin ahi. Pathen injong vantil hohi chile nam phungle chang hinsem doh dingin anasem pouve. Chuleh vantil hohi kemjong kemchom lou, pungjong pungchom lou, ahon jatbep aumjeng ahiuve. (Heb. 12:22; Rev. 5:11). Chuleh vantil hohi Chile nam jile chanei dinga semjong ahipouve (Mt. 22:30).

5. VANTILHO HI IPI DINGA KISEM HIUVEM

A. Pathen houding (Heb. 1:6; Ps. 148:2).

B. Tohding tamtah neija kisémpat:

- a. Archangel vantil hin mitheng ho 2nd coming tengle akilhonpi ding ahi (Lk. 16:22).
- b. Mijouse akhoptup diu (Mtt. 24:3ff).
- c. Christa hin kilhonpi le aphong doh ding (Mtt. 24:31; 1 4:16).

- d. Houbung/mitheng ho leh Christa kah'a palai ding (Zech. 1:12)
- e. Christa Palai ding (Rev. 10:1)

6. VANTIL VOUSO LEH UMDAN HO

Vantil hohi lhagaova um, mutheija mihem banga mihemho henga kilang le thei ahiuve (Ps. 104:4). Chuleh vantil hohi Pathen koma Pathen tobanga lhagaova umtheile mihem koma mihem banga tahsa'a mutheija kilang lele thei ahiuve (Gen. 18:1-8; Judg. 6:11-18).

Vantil hohi mihem umdan banga uma, mihemho tojong gala kikat tothei ahiuvin, mihemho tojong an nekhom thei; ahatna hat, jan khat sunga jong Assyria sepaite mi 185,000 that jengthei, (Ps. 103:20; 2 Kgs. 19:35) ahiuve. Vantil gan danhi nidan khat sunga jong leiset le van akommat thei jeng ahi (Dan. 10:12). Chuleh vantil hohi natheilou, thitheilou ahiuve. Vantil hohi lhagaova um ahi jeh'un (2 Pet. 2:4; Jud. 6) Pathen dan khatvei apalkeh uleh ngaidam chang theilou hel ahi.

7. VANTIL MIHEM HO SANGA ACHUNGNUNG JOHNA

- A. Kisem dolin achung nung jouve (Ps. 8:5; Heb. 2:7).
- B. Jineilou va sem ahinao (Lk. 20:35-36).
- C. Aching jouvin ahi (2 Sam. 14:20; Mk. 13:32).
- D. Ahat jouvin ahi (Ps. 103:20).
- E. Pathen chate ana kitiuvin ahi (Job. 1:6; 2:1)

8. TAHSAN CHATE VANTIL SANGA ACHUNGNUN JOHNAO

- A. Kipana thupha lhacha tohmun hohi mithengho khutna kipedoh ahitai (Col. 1:25-28; Eph. 3:2ff)
- B. Mitheng te chu Christa mou (jinu) hina changa ahitaovin, vantil ho johhi mitheng te lhacha/jenle dinga hungpang diu ahi (Rev. 21:2-9; Eph. 5:25)
- C. Mithengte sukhelna Pakaijin angaidam jin, vantil ho sukhelna vang chu angaidam theipon ahi, (2 Pet. 2:4; Jud. 6)
- D. Mithengten nikho khat tengleh vantil gilouho chung thu jong ahintan diu ahi, (1 Cor. 6:3).

9. VANTIL LUCIFER LEH VANTIL GILOU DANG PHABEP CHONSETNA AHUNGLHAH

Amongin Pathen'in satan ana sempoi. Vantil hohi thengtah le boh behlou hela sem anahiue. Ahin Lucifer kiti hi Cherubim lah'a pipen leh amelhoipen chuleh aloupi pen, Pathen'in ama bantah'a dinga anasem ahin, ama douna'a thu ahinseija, alaltouna ahin chu phatin, Pathen'in jong vanna konin leisetna ahin nolhatan ahi (Isai. 14:12,13).

Pathen'in Lucifer hi vana kon ahin nolhah phatin, Pathen melma ahungsohtan, hichu "Satan" tina ahi. Ahoinaleh aloupina'a akijepna hohi Lucifer'a dinga aluhna ahung hitai (Ezk. 28:14-17; Isai. 14:12,13). Chonsetna hojouse hung kipatna hi hiche Lucifer chonsetna akon hi ahung hi toupeh tan ahi. Hiche chonsetna hohi Pathen'in abolsah jong ahipon, ama lungcham tah'a ama deilhena'a kon ahibouve. Adam le Eve analhem lha jong chu Lucifer hi ahi. (Gen. 3).

10. VANTILHO HOPNI'A AKIHOPKHEN

Vantil hohi alhangpin hopnin akihom khenin, loikhat chu vantil phaho ahiuvin (2 Pet. 2:11) chuleh loikhat chu vantil gilou ho ahiuve (Isai. 14:2; Lk. 10:18). Ahin aphaho jeng jong aloi aloijin akihom khen son kitnin ahi.

A. Michael. Michael hi Pathen tobang tina ahin, “Vantil Pipu” (Archangel) tinjong akihen, chuleh hiche minhin vantil khatseh bou kiseina ahi (Dan. 10:13,21; 1 Thess. 4:16; Rev. 12:7). Amahi Pakaija dinga galsat jong ahi.

B. Gabriel. Gabriel hi Thahattah/mighty one tina ahin, hiche mijong hin vantil khatseh bou kiseina ahi (Dan. 8:16; 9:21; Lk. 1:19,26). Chuleh ama mopohna dehset hi thu pohle ahin, mihem leh Pathen kah’a palai ahi (Lk. 1:19).

C. Cherubim. Khukhum or vengbit tina ahi. Cherub ititeng khatseh bou (singular) kiseina’a ahin, Cherubim kitihi tampi (plural) sein kimang ahi. Cherub khat chu Pathen’in Eden hon vengbit ding chun anakoiije (Gen. 3:24). Hiche Cherub kitiho hi Ezekiel in gaothil amuna’a ganhing li ana muho chu ahiuve (Ezk. 1:5-14; 10:1-22; 28:14-16). Chuleh hiche Cherub hohi vanna Pathen laltouna hongbit leh vangam kelkot leh maichamphung ngahtup ding chule Pathen jenle dinga mopohna neiho chu ahiuve. Amahohi masanga chu Lucifer lamkaina’a ana um ahiuve (Ezk. 28:14-15).

D. Seraphim. Meika al leng lung tina ahi. Seraph ititeng khat sein ahin, Seraphim ititeng khat sanga tam sein ahi. Amahohi tantih neilouva Pathen Laltouna kimvela tanglouva Pathen loupina leh Atheng, Atheng, Atheng ti’a Pathen pachatna vahchoina la sajingho ahiuve. Hiche vantilho hin Pathen thenjele aloupije apondoh uva chuleh Pathen lhacha nunnemtah dinga lhendoh; Pathen lhacha natong dinga kilhengdoh ho suthenga pang ahiuve (Isai. 6:1-7; Rom. 12:1-2; 2 Cor. 7:1).

11. VANTIL JANEL HONPI

Hiche vantil janel honpi kitiho hi atam danu chu anel anela tam, chuleh simseglou kitiho chu ahiuvin; amaho jonghi ahon ahonna umcheh ahiuve (Dan. 7:10; Heb. 12:2,22; Rev. 5:11; 1 Kgs. 22:19).

12. VANTIL GILOUHO HOP LI’A KIHOP KHEN

Pathen’a kon hungpotdoh vantil gilouhohi achonsetnao let le neodungja akigim bolna diule achung thu kitanna diujong kibang theilou ding danin Bible in aseijin ahi. Ajeh chu amaho lah’a hin akihen kit hole akilha ongthol kiti jong aumin ahi (2 Pet. 2:4; Eph. 6:12).

A. Vantil gilou kihen ho: Hiche vantil kihen kitihoi vantil gilou engse dehset kiti ho chu ahiuve (2 Pet.2:4). Ajeh chu amahohi chamllhatna peh’a ongthol tah’a koi chu aphot louna diu tampi aumding jeh ahi. Thupi tanna lhinkah’a dinga Pathen’in damuna ahen/akoiju ahi tin Bible’in aseije (Jub.6; 2 Pet.2:4).

Gen 6:1-7 sunga mihem Chanute kichen pi’a kisei Pathen chapate kitiho khu vantil gilou engse kitiho chu ahiuve tin scholar tampin aseije. Ajehchu thulhunlui phatlai jachu vantilho bou Pathen chapate tia ana kiseiju ahi (Job. 1:6, 2:1; 38:7; Gen. 6:2). Mihemte Pathen chapate ti’a ahung kimin phah patna hi Thulhun thah’a John. 1:12 “Ama anasanga ama mina tahsan chan chu Pathen chapate hitheina thaneina apetai” kiti’a kona bou mihem tehi Pathen chapate tia hung kimin phah pat ahibepme.

Chukitle vantilho thudola Bible in vantil hohi pasal hina le numei hina neilou danin aseipon, Pathen danthu noiya um vantil ho chu chale nao chile nam chuleh inchen louchen semdoh dinga ana sem ahipouve tibou ahi (Mk. 12:25). Ajeh chu Hebrew Grammer’a chun vantil hohi pasal

(masculine) in aseijin ahi. Hijeh chun Pathen danthu noiya um talou'a Pathen douva pang vantil gilou engseho vang chun mihem banga mihem numei hotoh kichenga mihem consetna banga chonse thei ahiuve tih tahsan lel ding ahipoi (Job. 1:6-12). Hiche chonset nahin Pathen jengjong amisem sate chungu akisah losah leu ahi (Gen. 6:12).

B. Vantil gilou kilha ong/chamlhat ho. Hich vantil gilou chamlhat kitihohi van munho'a lhagao gilou engseho khu ahiuve (Eph. 6:12). Hiche vantil gilou engse chamlhat kiti hohin vanmun Pathen koma aumlai juva akivaipoh tobang uva tua jong vanlajola vanmun nina'a khu kivaipohna thalhingset neiya umu ahi (Eph. 6:12). Amaho hin tu'a aumnao vanmun ho'a konahi chungle noi akoptouva Pathen le Pathen mite douna jenga na atoh jingu ahi.

Pathen chate chungu satan le anungjui vantil gilouho natohna atamjohi Pathen thusah'a achate kistem hoina ding le kitoi tahna dinga Pathen phatsah jong aumin; kisah dihna jong aumin, Pathen'in achate avenbitna jong ahi. Ajeh chu leisetna umnalai mitheng hohi Pathen'in chamlhat tah'in khoihen lang hileh chonsetna thil hoa lhamang thei ahijeh uva chu gamgi akhenpeh uva dankhat noiya akoiju ahi. Ahin Pathen thusah kalvalin satan in na atong thei dehpouve (Ps. 125:3; Job. 1:12; 1 Cor.10:13; Job. 42:1-6).

C. Satan/Lucifer. Satan chu Eden hona Adam le Eve hinlhem lhapa gul lima hungpa chu ahi (Gen.3). Amahi Lucifer kitipa Cherubim holah'a lamkai pipupa chu ahi. Pathen laltouna ahin chu tahjeh'a Pathen'in van alaltouna'a kona ahin nolhah ahitai (Ezk. 28:2-10; Isai. 14:12,13). Pakai Jesu leisetna anaumlai chun vana konna satan kolphe banga ahung kumlhah kamui ati (Lk. 10:18).

D. Lhagao bohho (thilha/demons). Hiche lhagao boh hohi Beljabub (Satan lengpa) solchah ahiuve (Lk. 11:15-19; Mk. 5:9-13; Rev. 9:11). Lhagaboh/thilha kiti hi lhagao thenglou lhagaova um, mutheilou ho ahiuve (Mtt. 12:43-45). Amahohi phat khat sunga mihem ahilouleh ganchaho sunga tampitah tah'a lutthei ahiuve (Mk. 5:6-9).

13. SATAN MINHO

- i. Lucifer (Isaiah14:12)
- ii. Jinkah chapa (Isaiah 14:12)
- iii. Satan (Job.1:6-9; (Acts 5:3; Rom 16:20)
- iv. Melmapa (1 Pet. 5:8)
- v. Diabol (Mtt. 13:39)
- vi. Hehset hat (Rev. 12:9,10)
- vii. Dragon (Rev. 12:3,7,9)
- viii. Gulpi (Rev. 12:9)
- ix. Gul (Gen. 3:1-5)
- x. Gul lui (2 Cor. 11:3; Gen. 3)
- xi. Belzabub – *Beelzabub* (thousiho pakai/lengpa - lord of the files), ahiloule *Beelzeboul* (munsang pakai – lord of the high place) (Mtt. 12:24)
- xii. Belial – dan neilouna, gitlouna (2 Cor. 6:15)
- xiii. Agiloupa (Mtt. 13:19,38; Eph. 6:16)
- xiv. Vannoi pathen (2 Cor. 4:4; 11:15)
- xv. Lhemlhapa (Gen. 3:1-5; Mtt. 4:1-3; Rev. 12:9)
- xvi. Vannoi vaihompalengpa (Jn. 12:31; 14:30' 16:11)

- xvii. Lei ong solchah lengpa (Rev. 9:11)
- xviii. Joupa (Jn. 8:44)
- xix. Abaddon/Apollyon (Susepa/Destroyer) (Rev. 9:11)
- xx. Sopite hehse (Rev. 12:10)
- xxi. Kidoupi (1 Pet. 5:8)
- xxii. Lei ong solchah (Rev. 9:11)
- xxiii. Melma (Mt. 13:39)
- xxiv. Lhagao gilou (1 Sam. 16:14)
- xxv. Thikhol khul kotpi (Mt. 16:18)
- xxvi. Jousei lhagao (1 Kgs. 22:22)
- xxvii. Tolthat (Jn. 8:44)
- xxviii. Muthim chung a thanei (Col. 1:13)
- xxix. Thilhaho lengpa (Mt. 12:24)
- xxx. Vanlai jola thunei vaipo (Eph. 2:2)
- xxxi. Vannoi muthim vaipo (Eph. 6:12)
- xxxii. Satan (Acts 5:3; Rom 16:20)
- xxxiii. Vannoi pathen (2 Cor. 4:4)
- xxxiv. Lhagao boh (Mt. 12:43)
- xxxv. Agilou pa (Mt. 13:19,38)

14. VANTIL PHA JATCHOM CHOMHO

- i. Ngahtup Vantil (Ps. 91:11)
- ii. Pathen vantil (Heb. 1:6)
- iii. Pakai Vantil (Mtt. 2:13)
- iv. Houbung vantil (Rev. 2:1)
- v. Vaipipu vantil (1 Thess. 4:16)
- vi. Thutan vantil (Rev. 16:4-5)
- vii. Vantil Pathen chapate (Job. 1:1-6)

15. VANTIL PHAHO NATOH

- i. Pathen laltouna anga asun ajana Pathen thenjele aloupi je aphondoh jinguva, pachatle choiat na apah uva, avahchoi avahchoi jingu ahi (Rev 4:8; 5:11,13; 7:12)
- ii. Pathen chate/mithengho ana venbit uva, apui hoile jingu ahi (Gen. 9:10-12; 1 Kgs. 19:5; Dan. 3:28; 6:22; Acts. 5:19)
- iii. Pathen lhachaho ana kaihoi leuva anatil khou jingu ahi (Mtt. 28:7; Acts. 8:26; 27:23)
- iv. Pathen chate athi tengu leh alhagaovu Pathen henga ahungpui lutjiu ahi (Lk. 16:22)
- v. Rapture teng jongleh Christa mou houbung chu ahung puidiu ahi (1 Thess. 4:16)
- vi. Tribulation galkai kidouna'a jong khu hungpang diu ahinalaije (Rev. 7:2; 6:1ff)
- vii. Christa chu kumsang lenggam thungdoh dinga ahung teng jongleh ahin kilhonpi diu ahi (Mtt. 24:30-31).

16. VANTIL HO DIMNUN

- i. Pakai khutnoija um ahiuve (1 Pet. 3:22)
- ii. Thuseijin apanguve (Mtt. 28:2)
- iii. Songkul kotpi hong ahi (Acts. 5:19)
- iv. Kipana thupha lhacha (1 Pet. 3:22)
- v. Jile cha neilou (Mk. 12:25)
- vi. Thutanna pangdiu (Rev. 16:4-5)
- vii. Mi damsah ahiuve (John. 5:4)
- viii. Vaipo le vaihop kithopi (Acts. 7:35)
- ix. Pao nei ahiuve (1 Cor. 13:1)
- x. Chingtah ahiuve (1 Tim. 5:21)

17. VANTIL PHAHO KICHAINA DING

Vantil phaho hi kichai tih neilouva tua ahina bang banguva tonsotna Pathen toh chengden ding ahiuve. Ajeh chu vantil hohi lhagaova um ahi jeh'uva thitheile mang thei ahipouve.

18. SATAN LEH VANTIL GILOUHO NATOH

- a. Suhset khoiset ding holle'a vahle ahiuve (1 Pet. 5:8)
- b. Pathen thu muchi kithe ho suhmang ding go jing ahive (Mtt. 13:1ff)
- c. Leija um Pathen chate vanna Pathen laltouna anga hehgunsetna um jing ahiuve (Rev. 12:10)
- d. Mihem ten kipana thupha atahsan theilou nadiuva alungmitu asuhchot peh jiuvin ahi (2 Cor. 4:4)
- e. Mihem te tahsa chungu natna chitin le thina hochan geijin na atong theijun ahi. (Mtt. 9:33; 10:1, 12-22; Mk. 5:1-10)
- f. Pathen bible tuhil dihho adihlou lama aheikoi jiuve (2 Cor. 2:17a)
- g. Tahsan ho nitin in alhem jingun ahi (1 Cor. 7:5).

19. SATAN LE ANUNG JUIHO AKICHAINA DIU

- i. Vantil gilou ho chungthu kitanna umding ahi (1 Cor. 6:3)
- ii. Satan le vantil gilouho chu kumsang lenggam kichai tengleh achung thu'u kitan ding (Jude. 6) chujou tengleh damun meidil'a ahing changa kileh lutdiu; amaho atonsot atonsot na meikong dil sunga umdingu ahitai (Rev. 20:10; 19:20; 14:10).